

Petjituavi omutjite wotjiti tjarangaranga keraa rondjeverero?

Okurangaranga keraa rondjeverero ongakukiro yoveta. Oporise mayenene okukambura omutjite wotjiti.

Petjituavi omutjite wotjiti tjarangaranga keraa rondjeverero?

Tjiwakara nomahakaeneno kuna omutjite wotjiti, okutja omutjite wotjiti kakatukire oveta nandarire kutja eraa rondjeverero indi karina tjimaritja ohunga nomahakaeneno. Posi ove zemburuka kutja otjombanguri tjayandja eraa rondjeverero mena roye mena rokutja wari mondjuro yotjiti monganda. Okuyaruka komutjite wotjiti mapeya okerihaka kotjiti tjarwe.

Mbinemuma okutjita omaningiri keraa rondjeverero mena rokutja epanga randje tjazuu mendjito.

Tjiuna kona kondjeverero ku mongunda amokakara moyenene okuzapo pondjuwo yoye tjazumba otjiti omaningiri keraa rondjeverero.

Moyenene okuyenda koporise oruveze tjingero ndumotjiti omaningiri keraa rondjeverero. Moyenene okutjita otjiposa koporise nokwiiningira okukambura omutjite wotjiti tjimanga. Tjimotandua iyomotjite wotjiti ngwerisutu okungunda amakara pendje nouhonapare, hakaena noporise. Omerisutiro wokungunda amakara pendje nouhonapare okutja mayezemisiwa.

Mbinemuma kutja epanga randje marindjito tjirayandjerwa okurisuta okungunda amarikara pendje nouhonapare.

Raera oporise kutja unemuma. Omotjite wotjiti mayenene okuyandjerwa okurisuta okungunda amakara pendje nouhonapare ndoovazu kena kukondja okuwana naove. Eye tjakara no kuwana kunaove ove moyenene okuraera oporise neye akamburwa.

Omberero yokurangaranga keraa rondjeverero inge?

Omutjite wotjiti mapewa omberero yotjimariva tjimatjivaza o N\$8 000 poo apaterwa motjovakamburwa oure wozombura mbari poo ozomberero azeembari inda. Omotjite wotjiti mapeya apaterwa motjovakamburwa omayuva womasuviro poo apewa okuungurira otjiwana naha paterwa motjovakamburwa. Ihi matjiyandjere omotjite wotjiti okuverwa ngunda amaungura.

Nu tjike omutjite wotjiti tjakura omambo natja keraa rondjeverero kwarangaranga?

Ongatukiro yoveta okutikura omambo koporise. Omotjita wotjiti mapeya averwa notjimariva tjimatjivaza o N\$4 000 poo apaterwa motjovakamburwa nganduu koure wombura poo apewa ozomberero azeembari inda.

Mbina ohoni okutjita omaningiri keraa rondjeverero. Mapeya ariyandja ohoni ketundu randje.

Okutjita omaningiri keraa rondjeverero otjina tjokongotue yomivero. Otjiposa tjimatjiso okuyenda ko Mangestrata ngunda tjitjiri otjina kongotue yomivero. Ovandu mbapitisa ondjivisiro ohunga notjiposa ihi nokuhina ousemba wo tjombanguri maveyenene okuverwa. Omundu ngwatjiti nao mayenene okupewa omberero yotjimariva tjimatjivaza N\$10 000 poo atuwa motjovakamburwa nganduu koure wombura poo ozomberero azeembari.



Kondjivisiro yarwe paha Okambo ko Legal Assistance Centre ohunga nOveta yOndekasaneno yOvakupasane.

Orupau indui rwatjangwa i Dianne Hubbard, Rachel Coomer and Kate Barth.

Omunaure okuza mo Tjiingirisa ko Tjiherero: Kae Matundu-Tjiparuro Ongunino nombuniko yaro yatunwa i: Petra Tegethoff Noviraisiro o: Nicky Marais

Ombatero yotjimariva yaza kOmberoo yOmumuramenepo wehi rOvafansose.

LEGAL ASSISTANCE CENTRE P.O. Box 604, Windhoek, Namibia • Tel. 061-223356



Okambo OVETA YOMAR-KOMONDJATU WISIRO WOTJITANDI METUNDU



Gender Research and Advocacy Project
LEGAL ASSISTANCE CENTRE
Windhoek, Namibia, 2008



Otjiti tandi metundu otjikwaye?

Otjiti tandi metundu otjiti tandi tjitjahungama okanepo ketundu poo kaani ngukara pamwe puna omotjite wotjiti. Ovanatje tjivahungamwa otjiti tandi ihi otjo tji tjiukwa "otjohangauti yovanatje".

Okukara pamwe metundu otjikwaye?

- Orukupu
- Okutura pamwe
- Omundu nepanga
- Ovandu vevari ovanene vomwatje
- Ovanene novanatje
- Ouḱepo weḱundu mbuna orupe neḱundu rimwe indo tjimuna erumbi poo omwangu tjesutira ovanatje ve imba verumbi re poo omwangu we oskole

Ovisasanekero vyo tjitandi monganda

1. **Ohangauti korutu**, tjimuna okutonwa, okuvetua omise nokunyosiwa.
2. **Ohangauti morukatuko**, tjimuna orutjero poo okuninikizira omundu korukatuko.
3. **Ohangauti mombwiko**, tjimuna okupata omundu ovina mbimavanga poo otjimariva tjimahepa poo tjimaundjireko (tjimuna ovikurya poo ondjambi yao oveni).
4. **Omakunino wemuma**, kukuri okutirisa omundu nokumutanda poo nongaro yarwe ndjasana ingo.
5. **Ongurunguse**, ndjiri okukara kongotue yomundu oruveze aruhe poo okuhungira kunaye momwano mbwehina okuvanga.
6. **Okutomba omuvanda womundu**, tjeri okuhita mondjuwo poo monganda ye nokuhina ousemba we ndoovazu koturire punaye.
7. **Okuhemba nokutemangura**, ndjiri ongaro ndjitita kutja omundu ahakara nawa momwinyo poo mate ohoni. Mongaro indji mamuyenene okukara ozondjambu ndehina ondjandero poo eruru.
8. **Okutanda** okutjita tjimwe tjovina imbi otjitandi monganda.

Wina otjitandi tjomtundu indi omwatje tjimatarere ohangauti yokorutu, yorukatuko noku yamburura.



Hina kuzuva kutja "otjitandi monganda" otjikwaye. Mbanangwarasi otjitandi aruhe muna omajunino korutu romundu warwe posipeheya indi muna ovina tjimuna ohangauti mombwiko namo mwinyo.

Eheya maritara komyano avihe ovandu mbi veungurisa okuhihamba nokuhonaparera ovakwao. Tjimoripura natjo momwano imbo moyenene okumuna kutja pena omihingo peke peke vyotjitandi, navi vyavyo katjivitana korutu.

Moyenene okutjiti tjiwa hakaene notjitandi monganda?

- (1) **Moyenene okutjita omaningiriro kotjombanguriro okupewa eraa.**
- (2) **Moyene okutjita otjiposa koporise.**
- (3) **Moyene okuningira oporise okupa omutjite wotjitandi erakiza esenina.**

Moyenene okuyenda koporise nu momwinyo tjingewo okutjita omaningiriro kotjombanguriro keraa rondjeverero.

Eraa rondjeverero otjikwaye?

Eraa rondjeverero eraa rotjombanguriro ndimaritja omutjite wotjitandi ngazake kongaro ye yotjitandi, ngakare kokure novandu mbahungamisiwa otjitandi ihi nu nandarire ngazepo ponganda yetundu indo.

Utjitavi omaningiriro keraa rondjeverero indi?

1. Tuende kOjtombanguriro tja Mangestrata. Kona kuhepa ohahende no muungure wotjombanguriro itji mekuvatere okutjanga otutuu.
2. Moso okutuaerera ozohatoi kangamwa ndamuna otjitandi nouhatoi warwe mbuunawo tjimuna ouhatoi wozonganga.
3. Omangestrata maitara momaningiriro woye. Ndoovazu pena ouhatoi mbwayenene apeyangdwa eraa rondjeverero ropokati koruveze. Omangetsrata mapeya aivanga ondjivisiro yarwe ngunda ahiyeya kondiero imwe poo yarwe.
4. Omutjite wotjitandi tjarisirwa eraa rondjeverero yoye indi, eye maso kuripura kutja meriyakura poo kena kuriitavera.
5. Ndoovazu omutjite wotjitandi weritavere, mapekara omaraisiro komurungu wo Mangestrata omapupurukwe. Omaraisiro inga owo kongotwe yomivero. Ovandu aveyevari maveyenene okuse-rekarera omunda wawo. Omangestrata tjazumba otjimaripura kutja ngaiyandje eraa rondjeverero ekarerere poo indee.
6. Omutjite wotjitandi tjyakura, okutja opuwu eraa indi razikama nokuhina omaraisiro.
7. Otjombanguriro matjihindi otjherengururwa tjeraa rondjeverero indi kondanda yoporise yomaturiro woye.

Orune tjimoyenene okutjita omaningiriro keraa rondjeverero?

Okangamwa oruveze. Omangestrata maiyenene okutara momaningiriro keraa rondjeverero kombunda yozoiri poo omayuva womasuviro. Posi eraa rondjeverero riya momaunguriro uriri indu omutjite wotjitandi tjerimunu. Eraa rondjeverero indi karisutua.

Oune ngumayenene okupewa eraa rondjeverero?

- Kangamwa auhe ngwahungamwa otjitandi monganda mayenene okutjita omaningiriro keraa rondjeverero.
- Tjiuri kehi yozombura o 21 omundu warwe mayenene okuningirira eraa rondjeverero tjimorivanga.
- Omundu tjeri kombanda yozombura o 21 posi matira okutjita omaningiriro keraa rondjeverero omwini, omundu warwe mayenene okumutjira omaningiriro. Omundu nguri kehi yotjitandi monganda maso okwiitavera komaningiriro inga momatjangwa pendje na indu tjehehina okuyenene okutjita nao (otjotjisanekero tjimuna tja seuka).

Omundu nguri kehi yondjeverero yeraa rondjeverero ongumayenene okurapota koporise kutja eraa rondjeverero ratombwa.

Eraa rondjeverero ritjavi?

Omaraa ayehe wondjeverero mayetie omutjite wotjitandi okuyandisa otjitandi.

Eraa rondjeverero arihe rina osaneno yaro orini okwiisira kongaro ndjiripo. Eraa rondjeverero mapeya aritja:

- Omutjite wotjitandi ngayandje ovizepe avihe koporise.
- Omutjite wotjitandi kena kuso okuwana poo okuya popezu nomutjitua wotjitandi.
- Omutjite wotjitandi wasere okutjinda monganda yawo avehe. Ihi otjina tjiimatjijyenene okuraewa uriri indu tjiipari otjitandi tjokorutu. Omutjite wotjitandi mayenene okuningirwa okungunda amatjindi ponganda oure womieze hamboumwe nandarire kutja ondjuwo oye.
- Omutjite wotjitandi maso okusuta otjimariva tjokusuta pona omutjitua wotjitandi puma kakara.
- Omutjite wotjitandi kena kuso okunyona kangamwa owini wao avehe
- Omutjite wotjitandi maso okusuta otjimariva tjondumbiro yovanatje nganduu koure womieze hamboumwe okuyandjera omutjitua wotjitandi oruveze rokutjita omaningiriro ngetjitua keraa rotjimariva tjondumbiro.



Mevanga okuyenda posi metira kutja mendjiamisa po mahamisa ovanatje. Tjazumba hina ovyungura-merimuye?

Moyenene okuningira eraa rondjeverero mumuna eraa ropokati koruveze rondumbiro. Okuzambo tjimomunu kutja una ondjeverero oi kotjombanguriro tjondumbiro.

Wina moyenene okuningira kutja eraa rondjeverero ritjayere omutjite wotjitandi okuwana novandu warwe. Otjotjisanekero, ndoovazu unongendo yokutja omutjite wotjitandi mapeya aihamisa erumbi poo omwangu woye, wina eye mayenene okurira orupa rweraa rondjeverero- posi eye maso okwiitavera momatjangwa kunao.

Eraa rondjeverero rina oure mbuṭapi?

Eraa rondjeverero arihe rina osaneno yaro orini. Posi omapu inga tjinene ongekara meraa indi:

- Eraa rokuhina omahakaeneno mapeya arikara ozombura ndatu (3).
- Ndoovazu omutjite wotjitandi una ondjuwo, eye mayenene okuningirwa okungunda amatjindi oure womieze hamboumwe (6).
- Ndoovazu ondjuwo oyoye, omutjite wotjitandi mayenene okuningirwa okutjinda oure woruveze kangamwa otjombanguriro ndu tjeripura naro.